

HEADLINES

- ۱۔ وزیر اعلیٰ عمر عبداللہ نے اج گلمرگ مانہ کنونشن مرکز گو افتتاح کیو ہے تے کہیو کہ اس تیں گلمرگ عالمی سیاحتی مرکز غا طور ور مزید مستحکم ہو جے گو۔
- ۲۔ بھارت نے عالمی برادری تیں اپیل کی کہ پاکستان مانہ قائم لشکر طیبہ تے جیس محمد جیسا اقوام متہدہ غی فہرست مانہ شامل دہشت گرداں تے اُن غا حمایتاں نانہ افغان غی سرزمین استعمال کرن تیں روکیو جے۔
- ۳۔ مرکزی وزیر ڈاکٹر جتندر سنگھ نے کہیو کہ اُجھ پروجیکٹ غی بحالی تیں جموں کشمیر تے پنجاب دواں نانہ فائدو وے گو۔
- ۴۔ وزیر اعظم نریندر مودی غی 75 ویں سالگرہ غا موقع ور ملک پھر مانہ چلو جیتے ہیں فلم غی نمائش کی گئی۔
- ۵۔ چیف سیکرٹری اٹل ڈلو نے جموں کشمیر مانہ مالی شمولیت تے سماجی تحفظ غی سکیمیں غا اثرات غو جائیزو لیو۔

CM CONVENTION CENTRE

وزیر اعلیٰ عمر عبداللہ نے اج گلمرگ مانہ کنونشن مرکز گو افتتاح کیو ہے اس موقع ور بولتا واں اُنہاں نے کہیو جے یوہ حکومت ور بوجھ نہیں ہونو چاہیے بلکہ آمدنی گو اک ذریعو ہونو چاہیے اُنہاں نے مزید کہیو جے یوہ مرکز شادی بیاہ تے دیگر پروگراماں واسطے استعمال کیو جاسکے تے اسے مقام ور موجود کافی آلی دوکاناں نانہ وی سیاحاں واسطے استعمال کیو جے اُنہاں نے کہیو جے اس قدم سنگ گلمرگ مانہ عالمی سطح کا سیاحتی مقام کا طور ور پزیرائی لے گی۔ اُنہاں نے مزید اس طرح کہیو۔

UNSC INDIA AFGHAN

بھارت نے اس گل نانہ یقینی بنان واسطے عالمی سطح ور کاروائی گو مطالبو کیو ہے جے پاکستان مانہ قائم لشکر طیبہ تے جیس محمد جیسا اقوام متہدہ غی فہرست مانہ شامل دہشت گرداں تے اُن غا حمایتاں نانہ افغان غی سرزمین استعمال کرن تیں روکیو جے۔ گزشتہ کل افغانستان ور اقوام متہدہ مانہ بھارت کی مستقل مندوب پروت نینی بریش نے افغانستان نانہ دہشت گردی روکن واسطے مربوط عالمی کاروائی ور زور دتو اُنہاں نے کہیو جے بھارت نے افغانستان مانہ حفاظتی صورتحال ور گہری نظر رکھی وی ہے تے افغانستان کی مدد کرن واسطے بھارت ہمیشہ علاقائی تے بین العوامی تعاون کی حمایت کرے۔

UJH PROJECT

مرکزی وزیر ڈاکٹر جتندر سنگھ نے اج اظہار کیو ہے جے ملٹی پریز پروجیکٹ اُجھ پروجیکٹ غی بحالی تیں جموں کشمیر تے پنجاب دواں نانہ فائدو وے گو اُنہاں نے یاد دہانی کرائی جے مزکورہ پروجیکٹ پہلی بار 100 سال پہلاں تجویز کیو گیو تھو اُنہاں نے کہیو جے اس پروجیکٹ کا مکمل ہون تیں بعد سندھ آنی معاہدہ غے تہت بھارتی واسطے مختص کیا گیا مشرقی دریا راوی بیاس تے ستلج گو پانی مناسب طریقہ سنگ استعمال کرگے پانی کی کمی وی کھٹ کی و جے گو۔

SEVA PARV AGRICULTURE

سیوا تے سوشاسن غے تحت وزیراعظم نریندر مودی گی سربراہی مانہ سرکار تبدیلی تے ترقی نانہ یقینی بنان واسطے انتھک محنت کر رہی ہے اج گی سیوا پرو خصوصی سیریز مانہ سامعین گی توجہ اس پاسے مبزول کرائی جارہی ہے جے مودی سرکار نے گزشتہ 11 سالان مانہ کس طرح زراعت گا شعبہ مانہ تبدیلی آن گے کسانان مانہ باختیار بنایو ہے اس سلسلہ مانہ گزشتہ 11 سالان گے دوران وزارت برائے زراعت نے اپنو بجٹ 22 ہزار کروڑ روپیاں تیں بدھا گے 1 لکھ 37 ہزار کروڑ روپیاں توڑی کیو ہے یاد رہے جے کسانان گی بہتری نانہ یقینی بنان واسطے گزشتی 11 سالان مانہ سرکار نے خریف فصلان واسطے کھٹوں کھٹ حمایتی قیمت 81 فی صد تیں بدھا گے 226 فی صد کی ہے کسان گی مالی مدد واسطے سرکار نے کسان سمان ندھی اسکیم چلان غے علاوہ چھوٹا درجہ گا کسانان واسطے پردھان منتری کسان من دھان یوجنہ گو وی آگاز کیو جس غے تحت ہر مہینہ چھوٹا کسانان ناہ 3 ہزار روپیہ دتا جئیں۔

GST REFORMS

خدمات تے چیزاں بستان بارے ٹیکس یعنی جی ایس ٹی غی حالیہ شرح مانہ سرکار غی طرفوں کٹوتی کرن ور جموں کشمیر گا عوام تے تجارت پیشہ لوکان نے خیر مقدم کیو ہے مذکورہ ٹیکس گا نواں ریٹ رواں مہینہ گی 22 تاریخ تیں لاگو کیا جئیں گا تانجے عام لوک مستفیر ہوسکیں۔ اس سلسلہ مانہ سرکار نے ماحول دوست آؤ جائی گا ذریعہ نانہ فروغ دین واسطے بائی سائیکل غی صنعتاں نانہ وی بڑی راحت دتی ہے تے مذکورہ صنعت نانہ ہن سائیکلاں ور 12 فی صد جی ایس ٹی دین غے بجائے 5 فی صد جی ایس ٹی ادا کرنو وے غو۔ جس گا نتیجہ مانہ آؤ جائی واسطے استعمال ہون آلا ذریعہ سائیکل نانہ عوام دوست تے پائیداد بنایو جے غو۔ یاد رہے جے سائیکل گا بکھ بکھ پڑاں ور وی ہن 12 فی صد جی ایس ٹی غے بجائے 5 فی صد جی ایس ٹی ہی ادا کرنو وو غو۔

PM CHALO JETE HAIN

وزیراعظم نریندر مودی گا 75 واں جنم تہارا منان گی خوشی مانہ قومی ایوارڈ یا فتنہ فلم جیتے ہیں ملک بھر گا لکھاں اسکولاں تے تقریباً 5 سو سینما حال مانہ دسی جارہی ہے یاد رہے جے یاہ فلم وزیراعظم نریندر مودی گا بچپن گا ایک واقعہ تیں متاثر ہے یاہ فلم اک نوجوان لڑکا نارو گی کہانی بیان کرے جھڑو سوامی ویوکانند گا فلسفہ تیں زبردست متاثر ہو گے اپنی دُنیا مانہ تبدیلی لیان گی کوشش کرے۔ تنقیدی طور ور سرائی جان آلی یاہ فلم سال 2 ہزار 18 مانہ منظر عام ور آئی تھی تے اسے سال غی سب تیں زیادہ دیکھے جان آلی مختصر فلماں مانہ شامل تھی۔ قابل ذکر ہے جے اس فلم گی ہدایت کاری منگیش بڑاوالے نے کی ہے تے خوبصورتی سنگ آنند ایل رائے تے مہا ویر جین نے پیش کی ہے۔

CS SOCIAL SECURITY SCHEME

چیف سیکرٹری اٹل ڈلو نے ضلع ترقیاتی کمشنراں تے دیگر اعلیٰ افسراں سنگ اعلیٰ سطحی میتنگ کرگے جموں کشمیر مانہ مالی شمولیت تے معاشرتی تحفظ بارے بڑی اسکیمان گی موثر عمل آوری گو جائیزولیو۔ اس میٹنگ غے دوران اُنہا نے خصوصی طور ور پردھان منتری جن دھن یوجنا، پردھان منتری سورکشا بیمہ یوجنہ، پردھان منتری جیون جوتی بیمہ یوجنہ، تے اٹل

پنشن یوجنا تے بڑ عمر گا شہریاں واسطے بشن تے دیگر اسکیمیاں گو وی جائیزو لیو تے مذکورہ اسکیمیاں گا زمینی سطح وراثت رونما ہون گی اہمیت وری زور دتو۔ اُنہاں نے متعلقہ محکمہ تے جموں کشمیر بینک نانہہ وی ہدایت دتی جے تمام ضلعاں مانہہ ان سکیمیاں گے متعلق موثر اقدامات چاویں۔

SMVD YATRA

شری ماتا ویشنو دیوی یاترا واسطے اندراج اج لگاتار دوجے تہاڑے وی جاری ہے یاہ یاترا گزشتہ روز شروع ہوئی تھی یاترا گا آغاز گا پہلاں تہاڑے 3500 تیں متہ عقیدت منداں نے ماتا ویشنو دیوی غی مقدس دربار مانہہ حاضری دتی۔ ملک گا مختلف حصاں تیں آن آلا یاتریاں غی آمد غو سلسلو لگاتار جاری ہے تے آن آلا دناں مانہہ اس مانہہ مزید اضافو ہون غی اُمید ہے یاتریاں نے خوشی تے سکون غو اظہار کرتا واں اس طرح کہیو۔

POONCH DIET

ضلع تعلیمی و تربیتی ادارہ پونچھ نے پرائمری اُساتزہ واسطے تربیتی پروگرام منعقد کیو جس غو موضوع تھو نیشنل کری کلم فریم ورک اس پروگرام غو مقصد جدید تدرسی طریقہ تے بچاں غی ہمہ جہتی نشونما و رہنمائی پونچھ گا 11 زون تیں 75 تیں متہ اُسٹاد اس مانہہ شریک ہوا۔ اختتامی تقریب غے دوران پرنسپل ڈائیت پونچھ یش پال شرما نے شرکاء سنگ خطاب کرتا واں اس طرح کہیو۔

KABBADI TOUR

مختلف کالج غے بشکار کبڈی غو مقابلو شری پدما سچدیو گورنمنٹ وومن کالج گاندھی نگر مانہہ کلستریونیورسٹی جموں غے تحت منعقد کیو گیو جس مانہہ لڑکاں تے لڑکیاں نے حصو لیو۔ اس تقریب غو افتتاح کلستریونیورسٹی جموں گا وائس چانسلر داکٹر کے ایس چندرا شیتکر نے کیو۔ اُنہاں نے طلبہ غی شخصیت سازی تے ہمہ جہتی ترقی مانہہ کھیڈاں گا کردار ورزور دتو۔ یونیورسٹی غے تحت آن آلا 5 کالج غا طلباں نے اس مقابلہ مانہہ حصو لیو جنہاں نانہہ ڈی ین تے پرنسپل غی طرفوں تعاون ملیو۔ انعقاد کرن آلاں نے مزید طلباں تیں اپیل کی کہ اس ٹورنامینٹ مانہہ شرکت کریں۔

PROG ANNOUNCEMENT

آکاشوانی جموں گو علاقائی خبراں آلو شعبو ایک خصوصی پروگرام پیش کرے غو جھڑو 15 منٹ غو وے گو۔ اس پروگرام غو موضوع وے غو جدید دور غی جی ایس ٹی اصلاحات اس گفتگو مانہہ بغیر جی ایس ٹی غے، ۵ فی صد جی ایس ٹی، تے 12 فی صد جی ایس ٹی غا خاتمہ وری گل بات کی جے غی۔ یوہ خصوصی پروگرام جمعہ نانہہ یعنی 19 ستمبر 2025 نانہہ سویرے 8:45 منٹ وری نشر کیو جے گو۔ اس پروگرام مانہہ ماری مہمان ویں غی محترمہ نمریتا ڈوگرہ ایڈیشنل کمشنر

سٹیٹ ٹیکس محکمہ جموں کشمیر حکومت۔ اس پروگرام مانہہ ویں اپنی قیمتی تجربات تے مفید خیالات مارے نال سانجہ کریں غی۔ اس پروگرام غی میزبانی کریں گا مارا انکر وجے بجاج، سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز وری سن سکیں گا۔